

PATRIARCHATUS HIEROSOLYMITANI. 307

gorius Baschatanus subscriptus legitur in dicto rescripto Joannis Hierosolymitani, & Episcoporum Palæstinæ qui sub eo erant ad Joannem Patriarcham Constantinopolitanum.

ARCHELAIS Ptol. ibid. *Antiochum* Archelaidis Palæstinæ Antistitem habet Concil. Chalcedonense.

PALÆSTINA SECUNDA.

SCYTHOPOLIS Ptol. lib. 5. cap. 15. Nila prius, & *Bethsan*. *Theodosius* hujus Episcopus subscripsit Conc. Hierosolymitano sub Petro, & ante eum *Olympius* in actis Concilii Chalcedonensis reperitur.

PELLA Ptol. ibid. ¹ *Paulus* Episcopus Pellius subscripsit rescripto dicto.

CAPARCOTIA Ptol. Interpretibus Caparnaum. *Demetrius* Episc. Carpatenus pro Caparcotenus (ut reor) in dicto Concilio Hierosolymit. legitur.

GADORA Ptol. ibid. Gadara lib. Concil. & Stephano. ² *Theodorus* Episcopus Gadarorum eidem Concilio subscripsit.

CAPITOLIAS Ptol. ibidem, vulgò *Sunete*. ³ *Theodosius* Episcopus Capitoliadis in dicto Concilio Hierosolymitano reperitur.

MAXIMIANOPOLIS Notitiæ antiquæ Græcæ, & D. Hieron. in locis Hebraicis, qui hanc Adremmon olim dictam scribit, de qua Zach. cap. 12.

⁴ *Domnus* Maximianopolis Antistes subscripsit dicto Concilio Hierosolymitano.

⁵ TIBERIAS Ptol. lib. 5. cap. 16. vulgò *Tabarie* teste Nigro. *Joannes* Episcopus Tiberiadis subscripsit eidem Concilio.

⁶ MENNITH locus Palæstinæ Judic. 11. *Stephani* Meniatheni Episcopi alias Nasameni in dicto rescripto Episcoporum Palæstinæ mentio est.

HIPPUS Ptol. ibidem. ⁷ *Conon* Hipponus Antistes in rescripto Episcoporum Palæstinæ ad Joannem Constantinopolitanum legitur, & *Theodorus* in dicto Concilio Hypsenorum pro Hippenorum Episcopus nuncupatur.

AMATHUS Hegefippo, vel Amata Josepho Antiq. 17. cap. 12. urbs Palæstinæ trans Jordanem. ⁸ *Dionysius* Amathuntius Episcopus subscripsit eidem Concilio Hierosolymitano sub Petro.

PALÆSTINA TERTIA.

PETRA Ptol. lib. 5. cap. 17. Metropolis est tertiæ Palæstinæ in Notit. antiqua Græca, vulgò *Krach*, & *Arach*. D. Athanasius in Epist. ad Solitarios habet ⁹ *Arium* Episcopum Petræ in Arabia.

AUGUSTOPOLIS dictæ Notitiæ antiquæ. ¹⁰ *Joannem* ejus Episcopum inter Palæstinæ Antistites recenset Concil. Nicænum.

¹¹ ARINDELA dictæ Notitiæ antiquæ. *Macarius* Episcopus Arnidatorum vel Arindelen Concil. Hierosolymitano subscripsit.

Q q 2

ARAD

NOTÆ LUCE HOLSTENII.

¹ *Paulus &c.*] Zebennus Episcopus ejus subscripsit Concilio Chalcedonensi.

² *Theodorus &c.*] Joannes Concilio Chalcedonensi Aët. 2.

³ *Theodosius &c.*] Anianus Chalcedonensi.

⁴ *Domnus &c. subsc. Concil. Hierosol.*] & in Concilio Constantinopolitano sub Agapeto & Menna Aët. 3. pag. 691.

⁵ *Tiberias &c. Tabarie teste Nigro*] olim Cynareth.

⁶ *Joannes &c. subsc. eid. Conc.*] Item Latrocinio Ephesino Aët. 1. Concilii Chalcedonensis; & ipsi Concilio Chalcedonensi Aët. 6. Georgius Concilio v. Constantinopolitano.

⁷ *Mennith.*] *Μηννοῖδην*, sive Minoida in Aët. Concil. Chalcedon. Aët. 1. ubi Zosimus ejus Epi-

scopus subscripsit Latrocinio Ephesino post Amathuntis & Majumæ Episcopos, alibi *Μηννοῖδης* Episc. Aët. 2. Concilii Chalcedonensis.

⁷ *Conon &c.*] Petrus ἱππὸς Παλαιστίνης subscripsit Conciliabulo Seleuciensi apud Epiphaniū hær. 73. cap. 26.

⁸ *Dionysius &c.*] Theodosius Latrocin. Ephes. in Concilio Chalcedonensi.

⁹ *Arium Episcopum Petræ in Arabia*] Περτῶν τῆς Παλαιστίνης in Græco textu legitur pag. 820. Error ex mala versione Interpretis.

¹⁰ *Joannem &c. recenset Concilium*] Ephesinum.

¹¹ *Arindela dicta Notit. antiqua*] Stephano & Hierocli &c. Theodorus Ephesino adfuit, ubi loci nomen variè corruptum, ut ad Stephanum notavi.